



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

I. Christo Jesu addicitur Zach. 14. 6, & seq.

urn:nbn:de:hbz:466:1-16260

Et in tempore vesperi erit lux. Et erit in die illa, exibunt aqua viva de Jerusalem; medium earum ad mare orientale, & medium earum ad mare novissimum in estate & in hyeme erunt. Et erit Dominus rex super omnem terram: in die illa, erit Dominus unus, & erit nomen ejus unum.

I. **Z**ACHARIANUM illud adjudicamus Christo Jesu; Eusebium auctorem, *Christo Jesu addicuntur Zach. 14. 6, & seq. Prop. 9. cap. 127. §. 1. & seq. Euseb. Dem. libr. 10. Joh. 18. 18.* ac totius vaticinii connexionem, rationemque proinde ipsam secuti. Ac connexionem quidem postremorum quatuor Zachariae capitum luculenter supra demonstravimus. Iftam vero sententiam sic Jesu applicat Eusebius: *Et erit in die illa, inquit Propheta, non erit lux, sed frigus & gelus; quippe qua nocte captus est Jesus, frigus erat, teste Evangelista: stabant autem servi & ministri ad prunas, quia frigus erat, & calefaciebant se: erat autem cum eis & Petrus stans & calefaciens se. Quae deinde convertit in allegoriam, Judaeis propositam fuisse dicens lucem ac tenebras, eosque lucem tenebris postputasse: frigus vero illud, tarditatis eorum, ac in rebus divinis supinitatis symbolum fuisse, quod & praedixerat Christus: Et quoniam abundavit iniquitas, refrigescet charitas multorum.* *Matt. 24. 12.* Pergit Propheta: *Et erit dies una, qua nota est Domino, non dies, neque nox: & in tempore vesperi erit lux: quo tempore in crucem actus est Jesus Christus, tantae tenebrae obortae sunt, ut dies nec esset, nec dici posset, neque sane nox erat, quae fit per occasum Solis, Sol autem medium tunc orbem tenebat. Vesperi autem, post horam videlicet nonam, abscesserunt tenebrae, & lux rursus affulsit. Addit Zacharias: Et erit in die illa, exibunt aqua viva de Jerusalem: quo Christi Jesu doctrinae promulgatio & propagatio significatur, ipso Jesu auctore: Qui liberit ex aqua, quam ego dabo ei, non sitiet in aeternum: sed aqua quam ego dabo ei, fiet in co fons aquae salientis in vitam aeternam.* *Joh. 4. 13, 14.* Subjicit demum Propheta: *Et erit Dominus rex super omnem terram: in die illa erit Dominus unus, & erit nomen ejus unum: cui succinebant voces haec coelestes in Apocalypsi: Factum est regnum hujus mundi Domini nostri, & Christi ejus, & regnabit in secula saeculorum.* *Apoc. 11. 15.* Jesus quoque apud Johannem: *Fiet unum ovile, & unus pastor.* *Joh. 10. 16.* Juvat hanc interpretationem veterum Judaeorum suffragium: nam in Beresith Rabba, & in Midraschoth Thehillim & Ruth, Messiae tribuitur hoc Zachariae capit. Nunc operum nostrorum esset, mirabili huic Solis defectio- ni conciliare fidem, non Christianorum solum Scriptorum, sed Ethnicorum etiam, Thalli, Phlegontis, Tabulariorum Romanorum, & Sinensium auctoritate, Quod quoniam a nobis Propositione tertia abunde praestitum est, ad sequentia pergamus.

CAPUT CXXXIV.

Jesus moriens Patrem inlclamat.

PSALM. 3. 2, & seq. *Multi dicunt animae meae, Non est salus istsi in Deo ejus. Voce mea ad Dominum clamavi, & exaudivit me de monte sancto suo: ego dormivi, & soporatus sum, & exurrexi, quia Dominus suscepit me.*

Psal. 17. 7, 8. In tribulatione mea invocavi Dominum, & ad Deum meum clamavi: & exaudivit de Templo sancto suo vocem meam: & clamor meus in conspectu ejus introivit in aures ejus. Commota est, & contremuit terra; fundamenta montium canturbata sunt, & commota sunt, quoniam iratus est eis.

Psal. 21. 1, & seq. Deus, Deus meus, respice in me: quare me dereliquisti? longe a salute mea verba delictorum meorum. Deus meus, clamabo per diem, & non exaudies; & nocte, & non ad insipientiam mihi. Tu autem in sancto habitas, laus Israél. In te

MATTH. 27. 46, & seq. *Et circa horam nonam clamavit Jesus voce magna, dicens, Eli, Eli, lamma sabacthani? hoc est, Deus meus, Deus meus, ut quid dereliquisti me? Quidam autem illic stantes, & audientes dicebant, Eliam vocat iste. Et continuo currens unus ex eis acceptam spongiam implevit aceto, & imposuit arundini, & dabat ei bibere. Cateri vero dicebant, Sine videamus an veniat Elias liberans eum. Jesus autem iterum clamans voce magna emisit spiritum.*

Marc. 15. 34, & seq. Et hora nona exclamavit Jesus voce magna dicens, Eloi, Eloi, lamma sabacthani? quod est interpretatum, Deus meus, Deus meus, ut quid dereliquisti me? Et quidam de circumstantibus audientes, dicebant, Ecce Eliam vocat. Currens autem unus, & implens spongiam aceto, circumponensque calamo, potum dabat ei dicens, Sinite videamus si veniat Elias ad